

0.0.1 paṭhamabhavasuttaṃ

1. atha kho āyasmā ānando yena bhagavā tenupa-
saṅkami. upasaṅkamtivā bhagavantaṃ abhivādetvā
ekamantaṃ nisīdi. ekamantaṃ nisinno kho āyasmā
ānando bhagavantaṃ etadavoca:

2. 'bhavo, bhavo'ti bhante vuccati, kittāvatā nu kho
bhante bhavo hotī'ti?.

3. kāmādhātuvepakkañca ānanda, kammaṃ nābha-
vissa, api nu kho kāmabhavo paññāyethā'ti?.

4. no hetam bhante.

5. iti kho ānanda, kammaṃ khettaṃ, viññāṇaṃ bī-
jaṃ, taṇhā sineho.¹ avijjānīvaraṇānaṃ sattānaṃ taṇ-
hāsaṃyojanānaṃ hīnāya dhātuyā cetanā patitṭhitā, pat-
thanā patitṭhitā. evaṃ āyati.² punabbhavābhinibbatti
hoti.

6. rūpadhātuvepakkañca ānanda, kammaṃ nābhavissa,
api nu kho rūpabhavo paññāyethā'ti?

7. no hetam bhante.

¹sneho-machasaṃ.

²āyatim - machasaṃ

8. iti kho ānanda, kammaṃ khettaṃ, viññāṇaṃ bī-
jaṃ, taṇhā sineho. avijjānīvaraṇānaṃ sattānaṃ taṇ-
hāsaṃyojanānaṃ majjhimāya dhātuyā cetanā patitṭhitā,
patthanā patitṭhitā. evaṃ āyati³ punabbhavābhini-
batti hoti.

9. arūpadhātuvepakkañca ānanda kammā nābhavissa,
api nu kho arūpabhavo paññāyethāti?

10. no hettaṃ bhante.

11. iti kho ānanda kammaṃ khettaṃ, viññāṇaṃ bī-
jaṃ, taṇhā sineho. avijjānīvaraṇānaṃ sattānaṃ taṇ-
hāsaṃyojanānaṃ pañītāya dhātuyā cetanā patitṭhitā.
patthanā patitṭhitā. evaṃ āyati punabbhavābhini-
batti hoti. evaṃ ko ānanda bhavo hoti'ti.

³āyatiṃ - machasaṃ